

Broj: 01-08-08/2-11-3/13/26

Sarajevo, 24-08-2026

Na osnovu člana 22. Zakona o unutrašnjim poslovima Federacije Bosne i Hercegovine („Službene novine Federacije BiH“, broj 81/14) i u skladu sa Zakonom o javnim nabavkama („Službeni glasnik BiH“, br. 39/14, 59/22 i 50/24), federalni ministar unutrašnjih poslova **d o n o s i**

ODLUKU

o nabavci municije putem ograničenog postupka za LOT 2

I

Na osnovu člana 64. stav (1) tačka b), člana 69. stav (1) tačka a) i člana 70. stav (3) Zakona o javnim nabavkama („Službeni glasnik BiH“, br. 39/14, 59/22 i 50/24), a na osnovu Odluke o pokretanju postupka nabavke municije po LOT-ovima putem ograničenog postupka, broj: 01-07-07/3-11-3/13/26 od 29.04.2026. godine, Obavještenja o nabavci, broj: 405-2-1-59-3-43/26 objavljeno u „Službenom glasniku broj 33 dana 08.05.2026. godine, Tenderske dokumentacije za nabavku municije po LOT-ovima putem ograničenog postupka (Faza-pretkvalifikacije), broj protokola: 01-07-07/3-11-3/13/26 od 29.04.2026. godine i Tenderske dokumentacije za nabavku municije po LOT-ovima putem ograničenog postupka II faza (poziv za dostavljanje ponuda) broj protokola: 01-07-07/3-11-3/13/26 od 02.06.2026. godine dodjeljuje se Ugovor o nabavci municije putem ograničenog postupka za LOT 2- Patrona /sačma 12/70.

II

Ugovor o nabavci municije putem ograničenog postupka za LOT 2 s objavom obavještenja o nabavci dodjeljuje se ponuđaču "KM TRADE" d.o.o. Visoko, koji je dostavio prihvatljivu konačnu ponudu u iznosu od 37.800,00 KM bez obračunatog PDV-a, odnosno 44.226,00 KM sa obračunatim PDV-om.

III

Obavezuje se Sektor za materijalno - finansijske poslove Federalnog ministarstva unutrašnjih poslova-Federalnog ministarstva unutarnjih poslova, da shodno Zakonu o javnim nabavkama BiH, pripremi sve potrebne akte za sklapanje Ugovora sa ponuđačem "KM TRADE" d.o.o. Visoko,.

IV

Za objavljivanje obavještenja o dodjeli Ugovora o nabavci municije putem ograničenog postupka zadužuje se Sektor za materijalno - finansijske poslove Federalnog ministarstva unutrašnjih poslova - Federalnog ministarstva unutarnjih poslova.

V

Odluka stupa na snagu danom donošenja.



Obrazloženje

Komisija za provođenje postupka nabavke municije po LOT-ovima putem ograničenog postupka, imenovana Rješenjem federalnog ministra unutrašnjih poslova, broj: 01-08-08/2-11-3/13/26 od 14.05.2026. godine, provela je ograničeni postupak nabavke municije za LOT 2 - Patrona /sačma 12/70 kroz dvije faze, i to: prva faza-pretkvalifikacija i druga faza-poziv za dostavljanje ponuda.

U prvoj fazi-pretkvalifikacija Komisija je poštujući rokove za podnošenje zahtjeva za učešće održala svoj prvi radni sastanak odnosno provjeru kvalifikacija pristigla 2 (dva) blagovremena zahtjeva i pri tome utvrdila da pristigli zahtjevi za učešće ispunjavaju uslove iz poziva za dostavljanje zahtjeva za učešće i to: zahtjev "KM TRADE" d.o.o. Visoko i zahtjev "DANIAL S" d.o.o. Tešanj. Na prijedlog Komisije ugovorni organ je donio Odluku o pretkvalifikaciji ograničenog postupka s objavom obavještenja o nabavci municije po LOT-ovima broj: 01-08-08/2-11-3/13/26 od 18.05.2026. godine, koja je uz obavijesti dostavljena ponuđačima i objavljena na web stranici ugovornog organa.

U drugoj fazi - poziv za dostavljanje ponuda, Komisija je održala sastanak na kojem je utvrdila da je u predviđenom roku do 16.06.2026. godine do 12:00 sati, za LOT 2 blagovremeno dostavljena jedna konačna ponuda ponuđača "KM TRADE" d.o.o. Visoko sa ukupno ponuđenom cijenom u iznosu 37.800,00 KM bez obračunatog PDV-a, odnosno 44.226,00 KM sa obračunatim PDV-om, te je prihvatljiva za ugovorni organ i ista je bila predmet dalje evaluacije ponuda. Komisija je izvršila računsku provjeru ponude ponuđača i konstatovala da nema računске greške.

Shodno kriteriju za dodjelu ugovora (najniža cijena) predmetnom tenderskom dokumentacijom je predviđena e-aukcija, a Pravilnikom o načinu korištenja e-aukcije ("Službeni glasnik BiH" broj 80/23) u članu 4. stav (2) je predviđeno da u slučaju prijema jedne prihvatljive ponude e-aukcija se ne zakazuje, a kako je ponuđač "KM TRADE" d.o.o. Visoko dostavio jedinu blagovremenu prihvatljivu ponudu za nabavku municije po LOT-ovima putem ograničenog postupka za LOT 2 - Patrona /sačma 12/70 sa ukupno ponuđenom cijenom u iznosu od 37.800,00 KM bez obračunatog PDV-a, te se ponuđena cijena uklapa u procjenjenu vrijednost predmetne javne nabavke u iznosu od 38.000,00 KM bez obračunatog PDV-a, to je u skladu sa članom 64. stav (1) tačka b) i članom 69. stav (1) tačka a) Zakona o javnim nabavkama odlučeno kao u dispozitivu ove odluke.

Shodno kriteriju za dodjelu ugovora iz Tenderske dokumentacije i iz člana 64. stav (1) tačka b) Zakona o javnim nabavkama ("Službeni glasnik BiH", br. 39/14 i 59/22 i 50/24), Ugovorni organ vođen Izvještajem o radu Komisije i preporukom o dodjeli Ugovora, odlučio je kao u dispozitivu ove odluke.

Pouka o pravnom lijeku:

Protiv ove odluke može se putem Ugovornog organa izjaviti žalba Uredu za razmatranje žalbi BiH, u pisanoj formi u roku od 10 (deset) dana od dana prijema iste. Žalba se podnosi u dovoljnom broju primjeraka, a koji ne može biti manji od tri primjerka.

Dostaviti:

1. Ponuđaču,
2. Sektoru za mat.-fin. poslove FMUP-a,
3. Kabinetu ministra - Odsjek za odnose sa javnošću,
4. U spis,
5. a/a.

